

Oqaluuserisassanut nassuiaat

(Inatsisartut Siulittaasuut)

Oqaluuserisassani immikkoortut 104-p 85-illu oqaluuserineqarnissaasa kinguartinneqarnissaanik Naalakkersuisut Siulittaasuut qinnuteqarpoq. Oqaluuserisassani immikkoortut pineqartut oktobarip ulluisa aappaanni siullermeqartussaagaluarput. European Policy Community’p arfineq-aappasaanik ataatsimiinneranut oktobarip ulluisa aappaanni ingerlanneqartussamut Naalakkersuisut Siulittaasuata qaaqquneqarsimanera qinnuteqaammut tunngaviuvoq.

Qinnuteqaat pineqartoq akueriniarlugu siulittaasoqarfiup aalajangerpaa.

Inatsisissatut siunnersuutit taakku marluk siullermeerneqarnissaasa (pisariaqarpallu aamma aappasaaneerneqarnissaasa pingajussaaneerneqarnissaasalu) nutaamik ullulerneqarnerat kingusinnerusukkut nalunaarutigineqarumaarpoq.

Inatsisartunut ilaasortaq Qupanuk Olsen ukiup naanissaata tungaanut Inatsisartunit sulinngiffeqarallarpog. Taamaattumik Isak Johannessen sinniisussatut ataatsimiigiaqquneqarsimavoq. Qinigaanerup Misilinneqarnissaanut Ataatsimiititaliap Inatsisartut suleriaasianni § 2 naapertorlugu pinerluuteqarsimasut nalunaarsorsimaffiannit takussutissiaq tunngavigalugu Isak Johannessenip qinigaasinnaanera misilissimavaa. Misiliineq ingerlanneqartoq Isak Johannessenip qinigaasinnaassusiata apeqquuserneqarnissaanut pissutissaqalersitsisimanngilaq, taamaattumillu ataatsimiititaliap isumaqatigiittup Isak Johannessenip qinigaasinnaanerata akuerineqartutut isigineqarnissaa inassutigalugu.

Inassuteqaammut pineqartumut uparuaatissaqartoqarnerluni? [.....] Taamaattoqanngilaq. Isak Johannessenip qinigaasinnaassusia Qupanuk Olsenillu sulinngiffeqarnerani sinniisussatut Inatsisartut ataatsimiinnerini peqataasinnaanera Inatsisartut taamaalillutik akueraat.

Isak Johannessen, tikilluarit, Inatsisartuni issiavissannut ingissinnaanngorputit.

Taasisarnerit pillugit uku akornanni isumaqatigiissuteqartoqarpoq:

Kim Kielsen, Siumut aamma Kuno Fencker, Naleraq.